

Pasukan Oracle johan '5th Annual Stock Trading Competition 2019'

UB 2.11.2019 4

LABUAN: Persatuan Mahasiswa Fakulti Kewangan Antarabangsa Labuan (PMFKAL) telah menganjurkan '5th Annual Stock Trading Competition 2019' di Multipurpose Lab, Universiti Malaysia Sabah Kampus Antarabangsa Labuan (UMSKAL), baru-baru ini.



ALBUM: AJK Pertandingan 5th Annual Stock Trading Competition 2019 bersama Minah Anak Japang, Nur Shahirah dan Dr Ricky.

Pertandingan ini bermula pada pukul 9 pagi dengan penjelasan peraturan-peraturan pertandingan oleh ek- sekutif perdagangan saham, Sim Jia Sin.

Program ini telah dirasmikan oleh Ketua Program Kewangan Antarabangsa (HE19), Minah Anak Japang.

Turut hadir Ketua Program Ekonomi Kewangan Antarabangsa (HE22), Nur Shahirah Azman, Penyelaras Program, Dr. Ricky Chia Chee Jiun dan Pengarah Program, Tay Chu Xin.

Dalam pertandingan tersebut, terdapat enam sesi dengan paparan harga saham yang berlainan yang akan diberikan

setiap sesi.

Setiap pasukan diberikan RM250,000 sebagai modal dan mereka akan menggunakan modal awal tersebut untuk menjalankan urus niaga dalam pasaran saham dalam tempoh masa 10 minit.

Pemenang akan ditentukan berdasarkan pulangan atas pelaburan yang tertinggi.

Suasana pertandingan tersebut adalah sangat cemas kerana peserta perlu mendapatkan maklumat pasaran dan menganalisis maklumat tersebut untuk memastikan kelayakan mereka untuk mengekalkan kelayakan mereka sehingga sesi

terakhir.

Walau bagaimanapun, terdapat beberapa pasukan telah dibatalkan kelayakan disebabkan kesalahan seperti menulis harga saham dengan salah, kesalahan ejaan nama saham dan sebagainya.

Akhirnya, pertandingan tersebut dimenangi oleh pasukan 'Oracle' yang terdiri daripada Lai Xiong Xin, Wong Ker Qi dan Gan Jia Nie dengan 62% nilai pulangan atas pelaburan sekaligus memenangi hadiah wang tunai sebanyak RM300.

Tempat kedua pula yang menawarkan hadiah RM200 dibawa pulang pasukan '3W' yang



KENANGAN: Minah Anak Japang (dua kiri), Nur Shahirah (dua kanan) dan Dr Ricky (kiri) bersama pemenang pertandingan 5th Annual Stock Trading Competition 2019.

terdiri daripada Chiah

Yee Ying, Desmond Kyle Chong Yi Cheng, dan Chin Shu Qi dengan nilai pulangan atas pelaburan 22%.

Manakala tempat ketiga disandang oleh pasukan 'Lizst' yang terdiri daripada Chung Ci En, Wan Zi Ying, dan Lee Hui Xin dengan nilai pulangan atas pelaburan 24% dan memenangi RM100.